

四百三十二峯草堂詩鈔

四百三十二峯草堂詩鈔卷第六

惠州 趙希璜 涓川

壬寅

歸善馮柏樓烈女詩

汎彼水中舟珍我掌上珠掌珠光耿耿中河矢不渝歸善  
有馮氏女曰柏樓姝十六猶未嫁待聘絲緡需窈窕絕世  
色禮度鳴深闕織縑與織素巧奪眉嬾盧耶憐女婉孌母  
憐女勤劬小姑兄嫂愛弟妹交權娛有此好女子謂寧匹  
庸奴母求門戶對耶求人物殊隣村鄧家子生小嫻詩書  
才華稱夙慧容顏欺子都翩翩雖年少堂堂儼通儒阿翁  
謂其子是鳳當栖梧阿母謂其子是玉同璠璵佳兒重佳

婦風詩首關睢人言馮女賢隣里復交譽殷勤遣媒妁往  
詣馮翁廬馮翁大歡悅問郎豐與癯門戶旣當對人物非  
頑愚六禮通二姓一言鼎重諸聘旨雙鳳釵報以明月梳  
人倫始夫婦匹耦慎厥初馮翁有快壻柏樓得所夫詎謂  
天祿爾齟齬鄧子軀齟齬復齟齬養養鳴烏烏兩髦我儀  
特千古一歎歎女聞喪欲奔搥牀且大呼窈窕絕世色禮  
度鳴深闕耶憐我婉變母憐我勤劬小姑兄嫂愛弟妹交  
懼娛自謂好女子寧再匹庸奴父母好言慰謂汝姑徐徐  
鴛鴦比翼飛連理毋自誣女聞破涕笑中心思良圖生非  
同室人死甘同穴居我有雙鳳釵我有明月梳織縑與織  
素箱盈千青峽兄嫂弟妹知死願身與俱沐浴理衣襖綉

義實由吾寧爲恩愛死死則綱常扶梁懸朱絲繩畢命天  
何辜感慕兩村人悲傷泪盈裾兩家從女志合葬大道隅  
我聞尋餘烈慷慨生嗟吁詩以諷世當知名義區

和筱飲齋楊忠愍遺囑墨蹟原韻

大雞昂然小雞聳炎炎嚴夏交鬱攸一雞失勢共銑死

桂州

與曾銑同棄市

百鸞盜柄歸東樓言官不言犬不吠閒曹張膽明

星眸二王一語迂世廟鍛鍊成獄方歲周豈無人嘆莫須  
有此老不死生千愁代夫疏語極慘淡効命可禦疆場憂  
公詩一爲表餘烈似看枷鎖香仍留

忠愍臨刑詩云風吹柳鎖滿城香

遺

囑立心諭箕尾讀詩遙豁人羈囚事當呼愴或過激詞隣  
剛厲終包羞否則刑官走掩耳路人喪氣皆低頭苞苴爲

奸不並立忠愛自篤寧暫休茂全何如竟玉碎金甌但願  
驚神州想應筆勢鸞聳立儼憑大力迴九牛疾惡本冀鷹  
鷂逐髮指非報睚眦仇恨無老僕竈下泣同官慨贈羊皮  
裘讀至孝悌力田意永嘆釣錮東林秋黨禰門戶更慘毒  
曷若阡陌歸耘耨華亭偃僕公子笑中書伴食同懸疣高  
山土樓夢已醒爰書遂定爲殊尤執筆不能成一字青詞  
何補悲時流

題胡偶山羊城夏竹枝詞後

長夏潛銷短曲中歌聲歌到競南風  
蟲魚草木尋常事却笑嵇含狀未工

大歷十子門新奇引宮刻羽土風宜  
本自人情揆物理貞

潘正變莫差池

自營生基成醉中擬輓詞

生則預基之死便久埋我生死有定分菀枯不相左我既  
未知生曰死豈必果小人常戚戚藏身悲兩可

神智一無用手足隨人牽此爲死後緣誰復云生前生前  
留死地死不祈生憐土親人日疎積歲成百年涼月照白  
楊春風吹紙錢及我神智定酒戒無須堅同穴謀諸婦把  
酒開芳筵兒女粲然笑輸茲飲者傳

病耳

我耳原似鐘時目熱而鳴今竟昭輸鄭非關仇絕彭大風  
偏逸響落葉本無聲額角能兼聽洋洋或可盈

病目

有目不得快浮雲飛作花胷中本來正物引亦非邪黑白  
粗能辨矇矓近已遐認眞因太甚魔障故交加

皂隸

原是公卿子於今假虎威晨昏供役賤驅走出身微加我  
以白眼知君恃黑衣却憐趨偃室幽憤未能歸

梅花

不緣冰雪淨聰明竹外斜枝分外清驛使南來剛十月山  
人夢斷又三更

陳芷江學博冬至日以小詩招飲戲柬答之

羅浮踏月夢初回縹緲仙村萬樹梅試問寒香爲誰放鬆

風亭下大蘓來

魚珠觀曙霞詩

虎門東障浮星檣，猙獰怪石交。銜呀海潮直，走朔風厲扁。  
舟卷浪驚霜，鴉推篷四望杳。無際五更昏，黑陰雲遮須臾。  
迸雲吐赤燄，珊瑚碾出黃金芽。煌煌赭盤火，制水騰騰烈。  
炬叢馭車是時海，氣亦炳蔚千爐萬鞴蒸。晨霞龍官珍異，  
催列市樽桑枝葉紛揚。誰將絳綵繪拉鮫室，碧浪瑩澈浮  
丹砂旌旗蔽空互熠燿。不周鍊石維皇媧，天地正色有朕  
兆。洪濛平旦生光華，所貴早起渺萬慮。心眼爲豁何欵邪，  
試看赤羽化卿霽。文章黼黻非虛誇。

題二樵山人禪病圖

爲細君作也



豈必禪生魔豈必禪云枯花自天上墮寄身欣清癯清合  
匹狂士人天無二趨藥師琉璃鐙光明照中厨得句試呈  
佛佛不爲盧胡是時毛孔內生出青芙蕖轉憐大弟子一  
塵隔衣裾金閨貴靜整色相窮眞如受想非非際苦寂原  
虛無病卽證與果什百其殊途惟有二樵知作茲禪病圖  
歸以遺細君雅與朔也殊朔也東方誕君較西樵姝五百  
四峯萃草堂葺吾廬有此狂主人孟光志與俱尙嫌舉案  
事後世爭懽娛曷若逃于禪塵事不我拘前身定王維維  
也禪病軀愧無內子賢似君心意孚養疴繪輞川彼婦或  
抑掄更傲東坡子玉局偏齟齬遷播豐湖麓金剛偈欬獻  
始識朝雲慧仰天呼烏烏羨子有清福茶烟起深闔

茶烟  
伴佛

缸二樵寄  
虛舟句也我亦重好合警且俗態除繪事假君手尚非同  
女媧時挽二樵作  
內子小照爲不識禪病無以返太初

和張粲夫同年新得貫休咒鉢羅漢圖原韻

祇園發願阿斯陀莊嚴寶相無偏頗信心清淨作大會是  
誰空手歸干那畫師本得畫禪意宣咒不假簫和囉目注  
于手手注鉢右肩偏袒心靡它滄滄雲氣起灌頂大海水  
至通恒河河海細流各歸宿窅堵波現廻頽波老熊合掌  
擁錫侍亦如桐柏降淮渦猙獰怪狀轉慈悲善性已化旃  
荼羅說法娑娑有世界受持是律當輕訶座上滿月天上  
月透透交映非遙遙忽現化身放金粟雲外隱約空明多  
想其夢境所到處獨出杼軸殊成科何以蹤跡向交廣又

入君手時揆抄訶林僧自不愛惜轉瞬緣結修曇摩古烟  
濛濛絹敗裂諦視奕奕誰瑩磨寫經伏虎與面壁一一劫  
墮輪迴過我今屈膝禮般若皈依正果何蹉跎一十六身  
聚復散存茲四相除四魔

蟹舟行

深巖側有龍戶泣家計飄蓬風雨急

蟹戶一名龍戶

郎披蓑衣妾

簞笠七十二潭撐一葉一葉浮家何處歸上潭下潭郎莫  
違纖纖缺月兩頭飛潭心拾得鰕魚肥

周黃何翟曾燕顧七姓子孫自昏娶珠兒珠娘人莫妬生  
涯不識耕耘處男兒赤足女裹頭雲烟杳杳風悠悠今晨  
魚稅大衙收來日波濤無限愁

禪孝圖

金剛不壞身自在波羅蜜我非野狐禪惟求空處實象教  
來西方滿月與皎日痛憶父母軀聲容不可卽卽禪以作  
孝孝不自禪出仿茲象教意禮親如禮佛愴然傷心魂合  
掌復屈膝地異祇樹園戒異如來律琉璃世界中構此光  
華室悟徹禪孝理又假丹青筆

筆珮詞

并記

歲壬寅予春秋三十又七矣始悔向來絢爛之非求  
諸樸實兼悼平生遇合之蹇志在山林管城子無食  
肉相良不誣耳顧少年時讀書羅浮山寺與梅花村  
數里而近酒闌月上攜杖閒遊尋吾宗夢處裴回不

忍去迺十餘年來碌碌風塵如隔世焉歲杪由石龍  
陸路坐籃輿日歸竟日與羅浮遙對夜宿增城夢坡  
仙杖屐招予至賣酒田痛飲問予所爲予曰身將隱  
矣夫奚爲坡愀然長嘯曰子誠鄙人也子誠不知我  
子誠不知子子誠不知子身爲何如身子夢爲何如  
夢也我姑妄言之子姑妄聽之子知子夢矣子知子  
身矣子知子之所以爲子而我之所以爲我矣俄而  
葛鮑二仙控彩鸞下麻姑峯笑謂予曰子知我乎我  
知子矣子知子之身之夢乎我知子之夢之身矣予  
茫然惘然悵然憊然愈不知我身爲何如身夢爲何  
如夢坡仙窺予迷拉葛鮑指老樗以啟予曰筆頭公

古弼沉淪于茲千有餘載待子脫穎而出久矣因擗  
樹下有筆一瓊花萼爛焉丹書燦焉光怪陸離不覺  
目爲紛迷神爲飛揚吁孰知子前身所寄仍子後身  
所取乎坡仙撫予臂曰子有是瓊一生喫着不盡矣  
于是彩鸞引吭而鳴比翼而舞予騎鸞背翛然高舉  
仙乎仙乎其在茲乎其在茲乎近日杭州袁簡齋夢  
筆作棧而才思大進因自號子才子萬不逮子才子  
之棧然旣得此瓊以之縱橫排奐足以自豪何不可  
仿子才子之例卽筆瓊自號乎予不知子之夢醒何  
時竊忖身附於瓊其寄也與哉其取也與哉東坡葛  
鮑諒不我誑耳因序昌詩不計工拙亦曰紀實云爾

中書方謀歸管城中書頭禿無世情東坡強預他人事笑  
指梅花樹下光熒熒梅村是我舊夢處花開花謝自來去  
寶談騰輝問筆公丹書一軸貽仙翁仙翁不肯抱藥囊手  
握筆琢飛彩竦彩竦昂頭夸見聞寒香沁髓凝烟雲鮑先  
生抱朴子爾在羅浮長不死我本遊戲三昧耳人間擬向  
尋青紫少年奮筆高軒過嘔盡心肝軋小李亦謂我身有  
仙骨冢隔蓬瀛纔一水誰知埋沒此山中毛錐蛻去囊云  
空株守梅村老白屋鋒銛欲吐泥九封坡仙爲我扶根抵  
葛鮑從之舒斐亶月窟窮搜兔魄歸葩流藻采空文壘果  
然瓊底春風生翩翩彩鸞引吭鳴且飛且鳴瓊忽舉狂生  
足踏青雲青花爛漫氣縱橫中書今日夢初醒痛飲羅浮

春百盞濡豪染翰洋洋灑灑大快我生平

研棧齋

并記

涓川子既歸瓶園築筆琢吮屋于方山之陰地故僻  
牧童樵叟日相過從蓬首垢面涕長一寸不知其迹  
之潤也山魃木客徹夜喧厯傀儡支離千怪萬狀不  
覺其蹤之詭也有園如瓶有筆一琢于願足矣顧萬  
石君以醇謹起家自安小就珍重而告予曰我家小  
石性端凝與人無迂子益友也且顛稜稜似子與子  
交陸可舟水可輿也不介而馳不經而走神之又神  
元之又元與子交子益矣子盍求諸水之湄而山之  
巔乎予于是窮搜真索溯溪流石畔得研一方如桴



形背有銘俱剝落僅存隸書棧字粗可辨識嘻是卽  
萬石君貽筆瑑主人之益友乎嘻予益矣因搆研棧  
齋于筆瑑吟屋右而爲之記

人欲沈之我欲浮研田作棧亦良謀從今一任風吹去穩  
渡先生訪玉洲

小溪拴繫幾經秋入我齋中便可桴桴到浮山最高處好  
將離合叙綢繆

吾家松雪足風流不必詩情壓倚樓但願此莊非陸氏東  
坡秧馬借耘耨

豈其璧也仍歸我我本無心聽去留小石結絲偏有意筆  
瑑吟屋共優游

題叔明春江獨釣圖

何必蘆中丰韻長  
一邱一壑任相羊  
釣絲靜理春江浪  
安穩拴舟傍綠楊

身入桃源骨已仙  
偶乘釣艇又忘筌  
若能將得童男女  
好向三山結舊緣

柳花三月吹作蘋  
風光澹宕娛詩人  
直釣聊與魚龍戲  
飽看江山飽餌春

道人嗜膾與蓴羹  
春煖蘆芽半寸生  
且把蘆芽當蓴菜  
臨風游泳大多情

一枝兩枝紅杏開  
我曾把釣江心回  
那及巖邊垂柳下  
淨家鷓鷯共無猜

袖去來年跡楚人

叔明明歲之官湖南

瀟湘漁父自爲隣騷魂屈子

應含笑笑煞均堂膠此身

歲暮四無詩

無錢

何曾獲罪到朱提定分嚴于分水犀欲借揚州張老笠干緡不論價高低

無衣

緡袍做去羨同袍豈曰無衣意氣豪顧我無衣豪不得羊裘遠遜富春高

無米

家家黍稌計年豐遺穗猶教寡婦充獨有先生當歲晏炊

烟忽斷短籬中

無酒

每欲上天囚酒星誰憐黯伯竟常醒寒窗徒憶梅花夢  
入羅浮口胃馨

守歲口占示慎兒用東坡追錄付過韻

心焉怙恃此情悲我失雙親痛式微久忘春光是何物一  
年一度客中歸

癸卯

新年五首和東坡韻

行樂日日醉太寧歸一元夢梅仍屬我賣酒已成村疇  
綠蕙淺流水白雲翻對酌狂譌笑都忘黯伯昏

方山欣在望我愛古成之心志似同轍依栖借一枝

方山爲亞

與讀書處子槩營新居于其下

作茲老圃計正及早春時爛漫天眞趣謀

生有虎兒

惠風原穆穆兀坐覺澄清喬野拙於禮山人懶入城頗能

渺衆慮何必證三生澹泊從吾好悠然契太羹

春意識萬物生機來自東當門一峯秀放眼寸心空燒藥

山中客懸壺海上翁勸他停伎倆元牝與人同

乘興入林鹿木棉花正繁滿空下絳蠹烈焰蕪名園桃李

悟非色藏生知有門

雲笈七籤自藏自生飛仙紫門

晴霞爭掩映渲染問

天孫

自題白雪紅棉圖

壬寅歲杪由羊城返權連日風雨作惡維舟江渚木  
棉始放因追憶年來行路兩度江南萬樹蘆花一天  
白雪此大江風景也惜無紅棉一二樹爲之點綴爾  
新年無事牽合作此小景得四絕句異日以眎中原  
人士其以爲田山叟絳雪丹否

雲外何人歌白雪山傍幾樹霽紅棉  
燕脂不厭添新粉海國春光獨占先

牽合江南到嶺南長江風雪木棉酣笑非一騎  
紅塵起狀此炎涼仔細參

漁父溪橋行路難隔舟向火人團樂  
先生正衽而危坐飽飫洪爐絳雪丹

忙者自忙閒者閒閒如綠水與青山更將白雪紅棉意一  
爲黃安轉玉顏

題畫冊

久棄胭脂繪事賒洛陽春色又誰家先生新得窮忙病故  
作人間富貴花

牡丹

秋色何曾少海棠籬邊點綴占秋芳醜顏知伴黃花醉不  
解人人喚斷腸

秋海棠

黃鶴樓中黃鶴翎橫秋翅舞暮雲停道人最愛風流狀狀  
我顛狂醉後形

洋菊

粵中春色定如何春色炎炎韵致多  
燕天烈燄照海燭南

極出地橫滄波

木棉

從來絢爛歸平淡，枉費傳神阿堵中。  
寫出曇花是禪意，淨緣枝上白頭翁。  
優鉢曇花

春雨

春草碧于油，春風輕且柔。  
嫩寒生小雨，佳氣鬱芳洲。  
林外千山暗，雲中萬象流。  
紅桃與綠柳，含態作嬌羞。  
一夜走輕雷，花邊羯鼓催。  
春情難自主，泪眼爲誰開。  
渲出霏微色，都成錦繡堆。  
傍檐雙燕子，冒雨故裴裛。

悶

氣鬱漸成悶，春風吹不開。  
因春愁更長，樹背我裏猜。  
萱草本一物，柔腸牽九迴。  
謂他能已病，着意去栽培。

中夜聽兒子讀書，欣然而作用，蘓題遷居之夕原韻。



頗知教兒子愛非同憤禽兒子皆寧產我尙操淮音大兒  
能文章十五籍青衿小兒十三歲始解學哦唸披衣起堂  
北好風來自南滿耳呬唔聲昔我亦如今而今教兩兒兄  
弟異岑參畧指而復分淺言而復深我非好奇者百史手  
自斟似共陶潛趣悠然蓄素琴

桂芝詩

研棧齋側子手植桂一株閱今二十年矣翠葉籠蔥  
出檐如葢老幹已大一圍新年正月根下生菌越宿  
如葢香溢座間不可名狀葢芝草也兒輩劔取曝乾  
置酒稱壽爲圖如左索和同人時仲春中澣五日

懶向深山尋肉芝人獲枸杞飫仙姿廿年手植庭中桂一

片陰濃月下枝兔魄哉生瑤草茂松根有夢茯苓奇香蒸  
金粟烘春色正是還丹九轉時

寶家說有桂叢叢又見孫枝娛廼翁草木乞靈鍾間氣庭  
階愛爾養和風移來玉樹三山上已滿天香一月中桃李  
門前含睇笑笑子兩眼化方瞳

四百三十二峯草堂詩鈔卷第七

惠州 趙希璜 涓川

癸卯

將赴黔示內

春愁只合付東風家計飄零似轉蓬我逐春光作行客不  
緣春去太匆匆

次三水縣懷葯房同年兼寄雲隱

三月三日天氣清浪花謔外行人行飛頭獅子耳習習印  
孃老去偏心傾

蠻雨愁生青草瘴春風吹到海棠橋百年重墮詩人淚赤  
雅何曾慰寂寥

錦裹石

癸卯三月廿三日錦裹石邊我屈膝屈膝於君奈若何向  
君更乞能言術君如告以依人方我心可轉愁可豁歸時  
遺君錦纏頭侮弄烟霞雄百粵君言昔有陸生來詞鋒傾  
瀉無人摧蠻夷大長驕且悍醞越俎信懷疑猜陸生口齋  
天語至扁舟枉顧而裴哀甘言餌我以錦裹謂我磊落憐  
通材我攜生登越王臺越王倒屣空尊疊贈以翡翠與玳  
瑰橐中滿載黃金歸歸去不復顧盼我令我冷落空江隈  
又有詩人黎民表謂我蒼蒼顏色老青黥我面作巨字傀  
儡何曾知縹緲頗憐形貌爲人汗子西去回毋草草而今  
猶以錦裹羞而今不願錦纏頭子如得意還羅浮寄語鮑

姑灸我癩我織石髮爲子裘送子研棧尋瀛洲

次藤縣寄慎兒用蕪題示過韵

顧我行行與願違爾其澹泊掩柴扉  
何人短有深山賦薰鼠殃連破竈  
蟻小阮苟饒林下趣先生易滿橐  
中歸只今屢空無門訴纔到藤州已典衣

三月廿七夜泊藤縣下嶺汎懷王月坡用蕪題藤州江上夜起對月贈邵道士韻

春江不見月愴然傷肺肝况我肺肝人宛如明月盤規我以道義急於江流湍忽離明月盤眞作冥行看同入瘴癘鄉凜凜心爲寒侏儻與鬼域日伺人晏安所恃正氣在心花零露溥瘴水愁泱泱瘴雲愁漫湧雲水聚復散援琴一

再彈今夕是何夕又上藤洲渾

四月初二日入大藤峽

已入詩人窺從今歷萬危

黃魯直鬼門關句云人鮮窺中危萬死鄭湛若題其上日詩人

鮮山圍環更曲花簇錦爭奇濃霧漫江水叢箐叫子規昏

黃非正色草長斷魂時

吾痛李夫子中原食餅人

南朝詩我是中原食餅人

遂與宜州淚同歸

青草春

南朝爲桂林司馬至柳州會審疽發於背未幾而卒

唐宋多詞客衣冠結鬼

隣前途弔子厚功德在斯民

四月初六日立夏雨中送春

春風送我來夏雨留春住送客有窮日難盡轡中路我今送春歸茫茫不知處但見峽雲起紛飛同亂絮粉淚交盈

盈眉黛新愁聚波心一寸顰寸疊鱗鱗去雙槳蕩不開孤  
舟橫水渡上流截春回綢繆朝復暮春色本多情年年爲  
情誤忘情良獨難令我翻然悟

出大藤峽後作詩甕圖寄二樵山人

昔也君從詩甕出碎敲石乳化詩腸

二樵僑寄南寧者累  
年東歸後才思大進

別支直接西江派好士爭邀雲鞞孃山水我來酬宿債烟  
花春老送輕航前身想是遷流客又謫蠻中作酒狂  
身墮峽心直入甕醜蝦蟇躡仰窺天大藤長繫莊生瓠枵  
腹能容鰕子船漠漠浮雲輕富貴悠悠逝水總桑田幾多  
碑碣融州洞唐宋詩人在此竈

詩甕圖寄內

行路那能堅酒戒詩情不覺付詩筒郵歸試認卿卿面春  
老螺舟鮮囊中

尙憑研棧穩如楂一水徜徉聽浪花前去牂牁風土記待  
予入甕細搜拿

舟中三適用東坡謫居三適韻

早晴

纔自仇池回曉鐘鳴梵宮夢境天欲雨黑雲溥青松醒來  
喜開霽綠篠含輕風卧聽榜人言此水三江通原泉何混  
混上下交匆匆漂泊憐浮萍水蠹山復重浮萍生深山木  
馬追健駿粵西爲木馬船最佳晴虹百丈繩似轉鹿盧同紅墩一輪  
現俄與琴高逢彈華水仙操飛跨赤鯁公



午風

逆風船上水左右苦掣肘揚帆破巨浪此樂回頭有亭午  
風勢轉不覺來船久回頭發深省如以心運手人生苦樂  
均界限犀劃酒識透順逆理何必貳天壽中年得盛名持  
盈當不朽良時與佳日隨境足消受望望浮雲生猶疑滋  
我垢默存內景丹寄語田山叟

夜月

山光落水中隱約展翠稠月色白于水來洗人幽憂萬竅  
走瘴母雙聲鳴鴝鷓吾自適吾情蠻荒甘遲留銀蟾吐冷  
燄火山風颼颼劍氣直逼月披襟顧兔投新碾千玉印一  
彎臂捍韜山水慰賢者何以我沈浮豈其遺藥石霍然厥

疾瘳母貽哲士笑躁心同沐猴

柳柳州祠

食報詩書此日收先生俎豆遂千秋謂非貴重悲儀部誰  
識窮荒有柳州黃鶴碧桃天上去舞衫謔扇曲中留羨他  
揚抑如潮筆生死交情易播求

劉黃墓

那堪瘋病秘書郎投老龍城瘞骨香幾見登科知得失畧  
嫌入幕枉行藏虞翻死共嗟南食甘露災餘痛北望終始  
黃門橫太甚衣冠宦委瘴江傍

遊老君洞和石上賈遵祖原韻

遵祖字季承宋淳熙時趙郡人

柳州纔尋子厚宅玉融漸覩真仙境

一名真仙洞

老君端坐青

牛背巨靈手劈太華嶺形如偃蓋天入壺圓放清輝月倒  
影銀蟾跳躍孕光怪枵腹玲瓏任游騁何必丹砂勾漏求  
分明絳節青童乘我入未半已三日云到中間仍萬頃瑤  
臺璇室非無人心死身生是眞靜雲頭四面皆琉璃塵緣  
一念墮機筭倚闌玉水自潑洄不異仇池發深省仙家有  
地種桑麻顧我移家勞造請忽聞雞犬鳴吠聲冷然簫管  
天風冷久知結隣先擇里無事疏畦與鑿井潛蹤不使關  
喜知此情惟有先生領會附九洞歸八海一拳涵蓋三山  
景

浪花詞

青草黃茅蛾眉獻盡斑衣繡面蛇霧潛身泛短棹而

東來異求砂於勾漏溯右江而西去獲繫纜於牂牁  
思獵盧鹿之豔香依栖已無雲鞞欲纂盤瓠之新語  
遊覽復愧龍門訝聽浪花唱鈎翰之蠻女妝憐蝴蝶

蠻人率繡額爲蟲  
豸之狀以爲豔

舞石陣之天姬

石陣懷遠縣苗寨名

擊銅鼓

以迎神吹蘆笙而跳月曼聲度曲則瞑目搖頭短調  
同賡則解衣結帶巴渝換竹枝之舊草竿始創升庵

打草竿曲一字百轉揚  
升庵謫金齒時所作也

桂海補虞衡之遺赤雅曾題

湛若爰卽見聞所及博參載籍所傳苗獠之種類旣  
殊繫棘之風謠非一人尙近乎渾渾噩噩事不嫌於  
怪怪奇奇因區別以爲圖遂流連而致咏豈侈螺舟  
之春色亦弔鮮甕之唵魂已爾

濃春散髻門春濃梳子銀花十二重苗女髻上必斜插掠  
鬢梳一枚梳面嵌銀  
花數朵嫁後生子者惟插木梳不復詞浪花矣正月迎春三月老青橫柳葉鎖眉

峯

同心結繫蝶綃帶連袂褊襪一段雲峒口插青谿路斷桃

花時節雨紛紛

苗女踏歌兩情既洽必取柳枝  
插於峒口以阻人行名曰插青

爾非多貝大王孫

嶺人之祖有多貝大王  
者諸岑諸楊皆其後也曾伴居思峨洞

人

居思峨洞嶺  
女得仙處

唱到龍神開口笑偏他獾婢得龍鱗

洞中  
有潭

潭有龍嶺女踏歌神龍游詠龍悅  
則遣一鱗而去獾婢往往得之

千葉桃花似牡丹織成穗錦露溥溥榜人一色春衫麗會

博君王帶笑看

南史齊武帝乘龍舟遊  
江中榜人皆著鬱林布

保命圈圈月暈重

謂項圈曰保命圈苗女嬌麗者其  
圈愈多自項及肩有至數十重者重重

月暈托芙蓉丁妝莫逐天姬隊

妝最下者曰丁妝

手印雙紋對掩胸

傘下情郎認不真

詞時男女比肩坐地上各荷傘障面

詞喉宛轉喚情人春

蠶吐盡絲成繭又化游絲點絳唇

東谿新作麻欄子西崗新裝羅漢樓

謂少年子弟曰羅漢鱗鱗青草

黃茆外紅日當中蛇霧收

苗樓有至五七層者其最上層曰麻欄子以居老人中層則少

年子弟居之曰羅漢樓青草黃茆瘴之最甚者也

夜捉金蠶禱鬼堂火師寄鬼小姑藏鱗鱗鬼嘯金蠶死真

果能言石大王

鬼堂苗之通寨祖祠也無木象神主惟中設大龕一傍設二長木几門外正中亦設

一長木几外巨石板一縱橫約十餘丈曰石大王火師巫也苗女詣別寨必造火師寄鬼以去名曰藏鬼否則懼爲

金蠶所

取耳

麝臍香墮拾誰家香草迷人水一涯更有夢魂顛倒處碧

雲洞口紫綃花

紫綃花媚藥也以碧雲洞產者爲上

斷虹垂首短狐生不射飛頭射獨行伺影須妨花下路窺

人偏在暗中明

短狐蛾也爲斷虹所化猓有飛頭者夜飛其頭覓食

木客忘筌問老狙看他初日射芙蓉紅顚襯出銀鱗細渾

底一雙白菱魚

肅肅凌霜肅肅飛

凌霜鳥名其鳴肅肅

鳳皮裘取綠含歸

狢人以綠含鳳皮爲

裘最貴者服之諺曰綠含無價

婆羅火浣尋常物更覓人間金縷衣

### 古州卽事

一灣花霧一灣雲晨起迷濛似夕曛亂落柳花如白雨參

差燕子撲紛紛

難尋奴婢橘千頭且喜笙歌兩部留我本幅巾遊汗漫夜

深長嘯月明樓

排山高插古州城小崙原從大崙生八萬崙雲三百里從  
茲歷盡坦途行

行暉何必泣蠻中飛蠱原來色相空不似螂蛆光習習鳥  
嘯花落怨東風

借邱寅軒遊立魚峯

半圭聳峙影巉巖宛爾秋波起鸞帆洞裏雙輪懸日月

岩中

左右各有一洞偃身以進另開生面峯腰一色鎖松杉乍經風雨疑飛去遙

矚螻蛄引手摻玉女低頭含睇笑靈芝千歲有誰鏡

次羊城聞黃松礪茂才暴卒設奠哭之

豈其叱石歸山去遂使春風寂夜臺千頃波澄空客座一



方人影落溪梅

松礪宅于梅溪

可憐異地成河淚，直似繁絃入破。

哀若遇海門勞寄慰，弟兄先後籍蓬萊。

松礪卒時昆季皆赴省試海門其從

凡也先松礪十年卒且無嗣海門之仲兄致如季弟午園先後鄉傳故末句云云

甲辰

### 營方山新居

入山何必深居愛，得清音水旣一環。繞松仍萬籟，唼高樓  
開玉局小圃種人葠，笑未同鳩拙綢繆契風心。

亞輿風流在遺蹤，總可尋蔥隴。直福地縹緲出崇岑，有酒  
舞陶令無絃彈素琴。三椽茆屋裏一逕碧雲深。

新居欲成用蕪題，白鶴峯新居欲成夜過西隣翟秀

才二首韻

托足久知擇仁里移家遂已住仙關兒童父老和風內雞

犬桑麻綠水間東海飛來兩圓嶠南陽擬此又方山余前過南

陽玉屏山形頗類此躬耕不必吟梁父我是投林鳥倦還

近接平岡如玉几高懸明月作天鏡分他蟾窟三分燄照

我梅村萬樹冰鑿井笑非金盞宅跨牛時有竹枝僧月中牧豎叱角

吹笛唱竹枝詞散步入山入伴圓觀事公卿來往示兒子遠較昌黎得未曾

和小圃五味

人穫

我眼本如豆自笑窺甕底益智尋穫苗續命同春醴一椀

兩葉形五官具四體仙人恣大嚼俗夫穎出泚大兒與小

兒成形比孔禰醉移土木根不必隈陳米人穫以陳米隈之可以久藏

盼其紫萼開，刷泥紅肉啟。徑尺走嬰姪，辭蒂偏固。抵根抵  
大還丹一切塵滓洗有骨非專車飽飫噉會稽

### 地黃

羅浮產地黃曾仙葛仙人仙豈恃一物根大思吾身顏齒  
與暮齡奄息云難振當及少壯時毋辜物皆春謂彼可調  
劑如以油沃薪作甘等稼穡養脾味本醇誰其苦飢腸待  
救方酸辛即使光照地不足爲世珍肥壤卽濃郁多汁非  
真津本草地黃宜肥壤  
虛地則根大多汁乞靈於鞭草劫灰今幾塵

### 枸杞

昔策仙人杖三湘與七澤丐者遺蒸犬遂解三彭厄我住  
梅花村自愛居繞棘棘下有枸杞毛女盈筐摘口味本同

嗜飲食胡可節移種掘其根澆以杯中物誰歎嗟  
獫狁來狔狔驚座客婁宿墮眞精地骨孕偉質枝間  
牛乳垂火齊燒鈴索願酌羅浮春遠訊維摩疾

甘菊

終朝采盈剝卷曲東籬好愛彼色香幽已歷風霜  
老佳名著晚節落英異春草茁蘭與競秀芬馥各  
傾倒翩翩孤鴻飛熒熒衆星掃足下青雲生捧出  
黃金寶枯澗浮榮光流泉攜瑞藻中多百年人不  
識雙鬢稿飲水當療飢含貞快聞道置身夷惠間  
羨爾知幾早

薏苡

何必尋赤松遺世同張良輕身餌薏苡珠犀交誣傷  
如果

可勝瘴云胡嬰鏢亡秋爽蛇霧烈春深吉財長

投荒錄新州郡境有

藥土人呼爲吉財解諸毒及蠱神用無比

斯草與斯米功效傳炎荒或云釀春

酒導氣兼檳榔吾鄉賤於土裹作山中糧不受專車謗空

羨青史香辟穀枉自餒捫腹嗤枯腸何如王子年延精分

餘光

王子年拾遺記延精麥延壽益氣

### 留別弟姪

去歲勞勞西入黔那堪離緒又新添同懷惟弟獨年少小  
輩如忻今皓額門戶莫貽鄉里笑詩書留與子孫漸殷勤  
握別滄洲上秋水秋風動暮兼

### 別羅浮

昔我入山歲辛卯翩然遯跡脚不掉移家密邇梅花村賣

酒田邊尋舊好四百卅峯闢草堂晴虹夜月水雲沓玉女

新寡不肯嫁麻姑年少搔長爪安期捧棗貽軒轅葛翁埽

榻遲

去聲

鮑老是誰笑口開至耳上帝弄臣絕傾倒嗤我骨

俗身不仙一覺前緣殊未了忽離忽合何悲歡風雨波濤  
生縹緲觀光屢上黃金臺壯遊幾度邯鄲道人間原自有

蓬萊歧望玉堂雙髻槁鐵橋夢斷玉堂空琪花枉自憐瑤

草

魚山屢書敦廼北  
行竟以家難不果

遨遊踏踏今猶昔馬豔班香徒麗藻

年年山下去復來問訊啾啾紅翠鳥往時奴隸皆飛昇廻

首烟嵐任揮埽今知身墮塵寰中君之謔我亦太巧屈伸

兩臂畧提掖三山僑住足安飽竟使飄蓬感斷梗無復片

言通介紹維舟終日眞大緣還乞小峯開別島

羊城晤廉舫得謹庵消息

聞說謹庵潦倒甚見君勝見謹庵書我今破竈惟烟火日  
尙烏衣下里閭

僕道家難後不勝吏胥之憂

秋水又添新別恨侯門仍

曳舊時裙請看面目憎人否田盡身輕那自如

田盡身始輕藥房所

贈句也

九月十四日李敬躋秀才招餞海珠寺風雨大作戲

呈榮夫

誰言風雨亂鐙光海市依稀接大荒昨夜鮫人來報我蜃樓把盞有珠娘

玉釵金縷兩三行不度春風枉斷腸酒罷一巡詵一闌陽關宛在水平央

浪花捲雪一層層南海轟飛北海冰我比鯢魚還狡變口  
吹爽氣碧波澄

鸞帆千萬沓潮來滾滾珠江響忽雷引得先生倚闌笑紅  
塵不著紫雲迴

桃葉桃根細柳腰十年前此醉春宵祇因未入揚州夢辜  
負花田第五橋五橋海珠妓名  
葯房所贈也

長鬣張郎三十八苦吟直跨倚樓人龍頭不乘魚須笏望

遠秋波生白蘋白蘋亦  
妓名



四百三十二峯草堂詩鈔卷第八

惠州 趙希璜 渭川

甲辰

舟中望廬山放謠

彭蠡浩浩噓天風廬山浮出匡君宮商周之際栖碩隱何  
論魏晉以後紛紛沓沓虛無寂滅敷禪宗香爐宜支酒臺  
上陶潛李白酣醉斜陽紅如何隱亦通官府足山中罔識  
眞面目應接不暇思長公笑騎虎溪之虎東林東飄然舉  
袂飛舸劈浪喚醒成佛生天峯瀑布白繚雲闖龍石梁青  
挂鼉負虹龜坼卦分精耿耿鷗浴跳躍魚喁喁悠悠兀兀  
五百里蒼兮蔚兮千萬重大姑一隻鞋小姑一尺髻微瀾

爭獻微藍濃五老顏忽童三峽橫復縱變態不任巨冶鎔  
措大眼孔烏能窮舟行一日九日功山外看山支烟篷夢  
中說夢排龍從焉得陶之澹永李之雄蕙之排冪黃之工  
幹山缺憾開我心句修眉舞袖金鐘大鏞一一詭怪狀凸  
凹交玲瓏或臂竹而立或輻輳而從或如就規矩或如巧  
彌縫或形蒼蒼色或露閭閻容或樹旌子子或銜月溶溶  
左南康右九江但見六六三百六十之鱗蟲揚鬣鼓鬣來  
追蹤又見六六三百六十之毛蟲蟠門踞戶來分封小諸  
侯大附庸四嶽環遶中央嵩那知藍縷華路開嚮熊吳頭  
楚尾撐垣墉孫策復坐大紫纈云無雙西山不覺爲蔥龍  
連延平迤到此始結束提綱挈領比併何異同羗人生兮

天地一蟻虱烟濛濛兮豈予心之有蓬浩  
訶發兮鯤絃鐵  
笛叶奇響刁刁調調兮天籟地籟鳴黃鐘

屏風疊次太白

九疊翡翠樓青冷芙蓉秋水晶  
裁石鏡屏風橫寒流道甫  
問訊白天末詩激越人歸亭亭山  
侮弄纖纖月莫傾黃金  
罽莫譜紫雲迴騎鯨客已去抱琴  
空復來烟霞張錦綺花  
木深亭臺丈人致素書尺鯉遺雙  
枚把酒酬盧敖邈邈思  
深哉翩然花蛺蝶當階舞紅葉誰  
言雲母輕隔座嫌稠疊  
風流雷仲倫蓮社借匡君太白一  
星墮又入神仙羣

開先漱玉亭次蘓

噫噓出雲谷笙鶴唳松風倒縹銀  
絲網密困魚服龍纍纍

珠走盤耿耿劒躍空轟山附飛霆墮地成奔拱繞亭忽方  
流環珮聲丁東疑是素娥影初離廣寒官又疑綠篔衣來  
釣白頭公玉縷切昆刀繚冒烟林中

棲賢三峽橋

玉淵下注三峽開清猿唬斷悲風來鱗鱗蕭蕭千乘車橫  
枝直榦萬朶梅長公之詩清入骨推倒峨眉厭月峭堅瘦  
長輪紫翠間面目新看雲霧撥鼉鼉魚鯨蛟螭虬或偃或  
仰或垂頭忽然吞食怪事發水石激射疑不流東虹西虹  
美人愁銀河織女歸牽牛烏鵲逃入棲賢谷少見曉上梳  
妝樓甚深法力過奔溜飛橋誰補青天漏靈靈猶聞出地  
竇喧厖競逐迴風驟

石壁精舍

我讀謝公詩來登謝公臺大雅不可作風流安在哉石壁  
有精舍松門開野梅俯瞰大江水倒插匡君斂遠公苦無  
酒陶令愁攢眉淨土修白蓮浮埃幾切灰謫仙歸屏風博  
士傾春醅天地本逆旅借廬良自媒何必擠支許何必誇  
陸雷却笑成佛後墮身小蓬萊

石鐘山

昌黎賦石鼓云是周京物酈元注水經細辨洪鐘律何年  
鼓鑄荆山銅化作玲瓏一片鐵鐵沈水底石性存噌吰搏  
擊風奔雲王濬樓船不敢下湘靈哀怨空留痕數峯青片  
月橫虬龍九子一龍鳴大鳴小鳴聲刁旬冥冥兮泠泠盈

四三三  
盈兮蕤蕤神忽爲之疑耳忽爲之傾始悟同潮汝有觸斯  
搏激瓊田玉海剗然開渺茫初到烟波客

彭蠡湖

西收章貢東岷峨瀕于彭蠡平不頗上游下游貯巨壑正  
如一鉢容江河茫茫大地互陵谷曰山曰水無成科鏡中  
變幻昧童叟時雜光怪煩撝訶乳豚拜舞老蛟怒雲雨欲  
起先翻渦冥濛漸覺慘日月皆聳爭長雄黿鼉退飛舟似  
宋都鷁阿香車逐陽侯波須臾巽六叫噤息大孤山湧空  
明多我聞前朝幾爭戰百靈效順皆迴戈沔陽漁子逞夸  
大舳艫銜貫傾巢窩周顛從軍本游戲康郎漂杵流滂沱  
躬行弒逆干天討要憑隆準殲妖魔啾啾湖心夜鬼哭鱗

燐碧焰寒星拖弓古恨無李華筆載酒憶從秦獄過疆場  
鋒鏑豈異事招魂酌爾當顏酩勿附石尤作驕悍却妬王  
勃生煩苛分風劈浪各快意帆隨舵轉同游梭烟篷徐支  
泛竹葉霓裳又奏奔嫦娥朝辭潯陽暮牛渚好尋謫仙來  
放謔

香爐峯

天香雲外御爐烟縹緲層巒鏡裏懸我笑江州老司馬九  
人扛鼎夕陽邊

彭澤縣懷古

督郵來牧豎五柳種先生不作折腰令猶存居士名白衣  
欣客醉青眼爲誰橫晚節悲靈運韓亡尙乞榮

一首桃源記千秋歸去來問津誰鼓柁籬菊當寒梅蓮社  
攢眉入盧敖笑口開商周采薇意劉宋莫相猜

大觀亭

忠蓋昭臣節江山壯大觀擡頭天掠勢照眼月爭寒不義  
浮雲散惟剛浩氣完風霜鑿子子松柏厲丸丸血化千年  
碧心輸一寸丹可知高處好頓覺立身寬亭子詩成屋蘆  
花玉作欄無非分皎潔留與達人看

采石磯弔太白次劍亭夫子韻

四明新哭賀知章豈快東巡引興長

永王東巡詩皆後人爲作

捉月一

輪壇采石幽憂萬憤繫潯陽訝鬪白紵誰餘韻醉伴青山  
老此鄉酒聖詩仙冠三絕我來猶飫紫瓊霜



牛渚

一夜西風達牛渚月光如水水如銀兒郎正到袁臨汝蛟  
蜃還驚溫太真蹠踞偏安雄晉宋興亡反掌簋蕭陳莫將  
天塹誇王濟又見韓擒曉渡津

金陵雜詩

五馬浮江一馬龍烏衣王謝共雲從風流南史成家傳涕  
淚中原失舊封幾見奮興憂跋扈那堪專制巧彌縫智如  
崔浩評劉裕眞果曹瞞事德宗

麻拂繩牀田舍翁寄奴王者一時雄小康繼數元嘉政大  
將終思道濟風傳謝勛名何足異儉淵品概得毋同石頭  
一木支袁粲砥柱江流浩浩中

蕭齊纔熾又蕭梁骨肉爭殘日不遑縱使黃金伴蔣阜深  
憂家弟在襄陽黑衣宰相風初變烏幔南冠恨正長塗炭  
已教淮水絕可憐戎服講經忙

孝元恢復藉王陳誰識吳興命已新隱逞誅鋤憐太伯公  
行弑逆效前人樓船金鼓倉皇日結綺臨風醉夢春日月  
山河詩兩句景陽辜負苦吟身

鄱陽一戰勃然與隆準規模直遠繩偃武修文談法度禮  
陶樂淑愧因仍元勳誠意猜嫌甚靖難周公殺運乘燕子  
春銜詞舞歇有明終始在金陵

望攝山奉和覃溪夫子原韻

遠望玲瓏山卓起芙蓉城荷葉與荷根耿耿懸元精吾師

冲漠懷睠此邱壑情栖霞攜謝公五字推連營杜詩間韓  
筆訪碑佳興并搜剔秀麗色敲戛金石聲惜哉征帆速未  
得山中行推蓬且看山天闊冥鴻驚

乙巳

雪中

簷前小鳥思依依瞰客閉門愁恐飢清興近從詩味得淨  
緣又共雪花飛煎茶撥火尋生活向月敲冰問瘦肥何事  
陶家謔妓笑風吹寒素謝莊衣

五月十七夜醉後攜憬兒遊陶然亭

月朗鳳樓鐘晚動風生玉瑄客初臨疎星落落懷天末叢  
葦青青已夏深暫滌塵囂因遠市拚傾杯竿到橫參十年

情緒依然在問話江湖萬里心

丙申七月一日借魚山季求同遊陶然亭用杜題終

明府水樓韵二首今十稔矣撫今追昔爲之撫然

接家信喜生女孫戲寄大兒子惺

二十汝今生女早四旬我正服官初抱孫歡喜含飴事對  
客詼諧弄瓦書豈必添丁仍錯寫從茲逢吉有誰如遠人  
私祝門楣大嫁箇兒郎挽鹿車

簾鉤

一彎新月淡雲扶指甲痕留界有無倒卷湘波雙畫乙側  
看鳳喙半啣珠依稀睡迹尋羚羊角搖曳春心轉鹿盧傍晚  
紅樓猶未下恐妨歸燕費踟躕

銀河掛戶玉繩低九曲珠穿影不齊遂使錦絨編翠羽幾

經纖手弄柔荑，柔荑弧斜挽。弦初上，蚊睫紛懸，意已迷。閉對孤鐙，風定後，瑞英餘燄，照玻璃。

天駟遙分第二星，飛來已自化鳩形。釣詩苑，證花萌，甲賣卜先教字識丁。屈曲蝦鬚牽小篆，彎環斗柄出疎櫺。臨池溶漾魚驚避，掉尾翻開一線青。

幾時卷舌吐蘭房，又入筠籠送暗香。欲化魚腸橫劍氣，盡垂虹。暈約溪光遠，山眉蹙寒蘆。隱叢桂枝，膠綵帶長，幺鳳綠毛都倒掛，朱門日爲主人忙。

海棠詞

已過王郎十五時，春風吹鼻柳絲絲。尊前誰度梅村曲，小調巴渝舞柘枝。

東臺不是李琳枝紫稼齊名又一時夢醒可憐春去也匆  
匆鶯語下垂絲

自嘆浮沈可奈何二株園裏占春多若教北苑圖西府老  
大傷心水調謠

不到昌州二十年暗香浮動曲中傳陳郎未博尙書寵湘  
草輸他郢客憐

法源寺度中元作

新鬼故鬼嗚啾啾燐燐綠燄飛千頭孟蘭盆會法源寺紫  
金鉢咒中元秋墻陰蹲鬼果類聚臺下戰骨忘數幽蒿幢  
烟青炷香火荷燈影碧明松楸嘍囉爲爾說佛法指證有  
身皆爾儔鬼身隱約風中留啼聲慘淡雲生愁自言疆場

幾回死每聞鼓吹雄荒邱亦似戰馬久伏櫪要憑佛力排  
羈囚須臾恨血化螢散清冷月色當空浮欲窮一一詭怪  
狀畫壁更倩張僧繇

題虞山蔣仲和傳筮圖

七輪有泪啼湘竹六角當年寫右軍詩廢蓼莪歸孝子集  
成天保祝嚴君齊紈永誌護堂恨弱婦親傳祖德殷一自  
仁風揚鏡嶺龍皮墨彩煥吳雲

十月十六日作木棉圖送大庾楊田邨進士之湖南  
故人話別向長沙云過瀧江又近家且看湖南烽火樹可  
同海上木棉花三春信寄來年雁十月霜啼薄暮雅我住  
羅浮君大庾寒梅回首各天涯

送魚山太史偕弟幼吉西遊秦中

長安西望路三千，放眼須登太華巔。  
人向灞橋風雪去，詩於摩詰畫圖傳。  
尋梅知是兼求友，搔首何妨一問天。  
勉繼漢陂兄弟事，再傾奇氣少陵前。

黃金臺上送君西，顧盼征塵旅思迷。  
衣笑敝裘偕季子，我慚喬木咏春鷗。  
秦人最重傳經李，燕市誰憐鍛柳嵇。  
試撫當年廣陵散，王揚盧駱已輕詆。

囊皆詩債苦吟身，畢竟風流迥出塵。  
此去山經太行雪，舊年錦賜未央春。  
翩翩最羨門才盛，落落相看老友親。  
不唱陽關三疊曲，交遊大半在西秦。

桄榔青糲佛桑紅，鳩鵲飛來荔子叢。  
酒對羅浮春益益，珠



還合浦月濛濛故園風景渾如夢異地飄零獨轉蓬回首  
銅魚山下路幾時長嘯海天空

送宋芝山同年之隰州學博任

宋子又西歸增余嘆式微白雲黃柳外紅葉碧天飛鄭氏  
新書帶韓家舊版扉冷官今席暖桃李待芳菲  
我似垂楊絮飄零西復東君行歸故國天濶簾冥鴻此日  
皆強仕他年各老翁更期茵褥上珍重坐春風

紅葉

驚秋一葉入簾櫳冷憶吳江嘯晚楓醉染客衣霞脚雨夢  
迴春燕杏花風遠山野火燒空翠小獵歸鞭數落紅石磴  
聽泉吟謝句那須繾綣御溝中

錯認隋宮剪綵花飄飄飛墮枳籬斜月光瑣碎歸珊網霜  
色沈酣落酒家老去蕭疎偏渥赭生來絢爛本無瑕是誰  
工織天孫錦點綴張騫八月槎

晴窗攤卷薛濤箋纖手猶留一捻緣不信繪聲兼繪水可  
知非霧亦非烟流光掣電原同幻醮筆繙經總解禪最好  
撩人詩思處片帆初下夕陽船

小樓銜影亂黃昏剝啄誰敲月下門火齊珠擎蒼水使芙  
蓉城傍紫薇垣拾來好削桐圭樣飄去還添錦浪痕遠望  
碧雲橫鎖處霏霏絳雪滿山村

丙午

懷謝桂洲同年

禪

丁未

延安早春

勞勞半載寄烏延芳草重尋杜甫川塞上豈無容足地春  
來惟有困人天雲翻飛蓋千林月風動清涼萬井烟太守  
青郊勸農事好將韓范繼當年

曲江

雁塔崔巍雲日外曲江迴遶翠微中姓名天上掄揚久韋  
杜城南咫尺通宴罷醉臨春水綠我來飽看杏花紅慈恩  
稱謂誇先輩想見當年國士風

登慈恩寺塔望終南山

此中佳處新看破到眼烟巒分外奇誰作移文任騰笑人  
訝短褐正含悲條枚自入君王夢枳棘偏來鸞鳳窺太華  
高高天尺五盧生底事費尋思

七月七日出長城晚宿鎮靖堡

草地黑於海沙山黃接天長城通鎮靖一雁下寒烟部落  
皆臣僕唐虞景後先我來剛七月博望憶張騫

安定縣

山以盧芳古城臨汾水前瓦窰分半堡煤玉值千錢舉目  
秋禾地勞心輸雨天

俗呼雨電曰  
輸雨讀去聲

俗偷宜撫字書考我悠

然

石宮鐫萬佛碑碣宋元多舍利銘空塔蘭亭笑永和門前

山有市

土人於三月三日石宮廟會市

花外水鳴珂覽勝今成癖題名手

自摩

居民二里半堡砦半山頭疊嶽炊烟起荒城宿雨收夏眠  
新火炕人著老羊裘糜子酒初熟三杯迎素秋

兩年邊塞上宦況澹於秋敢以民風樸而誇吏事優落花  
紅遶郭冷霧綠侵樓原上日亭午城隈人放牛

四百三十二峰草堂詩鈔卷第九

惠州 趙希璜 涓川

戊申

謁諸葛忠武侯祠

檜柏森森玉露濃  
綸巾羽扇仰雍容  
建興二表酬三顧  
褒谷孤雲出九重  
諺云孤雲兩角去天一握  
後主他年竟銜璧  
先生高卧尚猶龍  
倉皇北地悲辭廟  
可有遺民陌路逢

鍾鄧爭功誰得算  
老奴遺策又何如  
隆中雅契昭魚水  
天下奇才出草廬  
唾罵譙侯世修表  
風雲戰壘昔成墟  
門前卽是征西墓  
細認先朝鋒鏑餘

定軍山下石嶙峋  
寂寂琴臺繞綠筠  
城郭遠通廉讓水  
歌

謠誰採送迎神偏安畢竟非臣魏正朔都知不帝秦太息  
斯民存直道此公遺貌至今新

將星西望墮黃昏漢沔空留血淚痕早羨天懷同管樂要  
憑人力轉乾坤魏延未遂平生願陳壽偏誇慷慨存治國  
治軍原一事千秋史筆仰龍門

遊靈巖寺搨郿閣銘摹本

嘉陵江口靈巖寺郿閣銘超最上乘墨本遙從紹定得隸  
書重向建寧徵爲鄰與古香風永縱目而今爽氣澄四十  
六枚追盛典洛陽文獻香難憑

小樓風雨層霄外坐看嘉魚丙穴來浪起桃花掀石磴夜  
驚天鼓走春雷千尋瀑布林梢墜一桁晴雲屋角開遊覽

莫愁時易失幾經沈醉亂峰堆

再遊靈巖寺戲作

閣道懸蒼崖橫雲鎖雙洞嗟予塵俗吏忽作遊仙夢洞深  
黑無底冷風吹石凍方知良象孟不覺身入甕車輪大蝸  
蝓云有百觔重可充紫府庖忘爲世所用旣具臃腫形猶  
恐識者衆况夫呦呦鹿及彼翩翩鳳巖穴不愛惜聲價誰  
伯仲漸入眼目開朱甍連碧棟更臨溪水曲長橋跨彩螭  
俯首拜仙人仙人弗爲動餉以餐石方藍田玉可種授以  
一襲衣細視却無縫歸步梅花月撫笛還三弄

連雲棧

百里連雲棧長歌蜀道難青泥遙轟轟白水近漫漫箭帶



風中鶴珠含雨後蘭閣鈴莫悽惻此閣接高寒

祁陽王召樹孝廉持其尊甫富惠堂家訓詩索題爲

賦長句畀之

遊子興歌行路難慈親緘句寄長安詩同陶令書中意在  
在浯溪鏡裏看家學二南傳鯉訓春風萬里引鵬搏而今  
富惠堂前樹已是槐陰十畝寬

題胡冷香別母圖

小人有母不忘別遊子無家何以歸此種客情愁入眼試  
看畫意淚沾衣春風秦嶺蕭蕭馬秋雨柴關寂寂扉熟讀  
南陔詩一卷白描心事情知微

巳酉

十月八日藍田遇雪用昌黎雪後寄藍田崔承原韻  
天風吹雪雪塞關凍雲垂脚天連山大珠小珠滿萬斛錯  
錯落落來田間玉苗露苗亦頃刻冰綃彌目開心顏想是  
神仙服稼穡爲此狡獪排幽閑野有死麕遺行旅白茅一  
束包黃菅錯認輞峪作銀海梯航莫辨相躋攀我自尋梅  
發清興起寒島瘦詩難刪深林岑寂鳥啄木山僧驚詫猿  
獻環四載宦情共匏繫跬步却似循弓彎途艱路絕豈愁  
嘆要憑種玉人破慳五雙藉以傲溫飽千杵可醒蛇龍頑

藍田縣呈高曲江明府

能作藍田吏亦仙南山對我我悠然楞嚴寫得經千本擬  
賺雲僧換輞川

循藍玉山入鞞峪

詩情到處領天真禪病王維寄此身貧賤如何能肆志山  
川畢竟不驕人紫芝滿谷烟霞古白玉爲田物產新莫托  
赤松誇辟穀且尋四皓結比鄰

鞞川

黃鸝白鷺句疑仙野老村童解說禪是佛是仙都幻境一  
邱一壑憶當年桑麻恍入桃源路香火猶留蓮社緣風景  
十三區最古和成廿詠擬陶篇

孟城坳

春滿孟城口花紅細雨前孤舟人獨往小渚鶴安眠佳致  
不在遠會心忘與詮王裴行樂處觴詠足悠然

華子岡

雲光與山翠十里趁松風雲濕化爲雨山空垂作虹試窮  
飛鳥跡都在落花中岡上何惆悵名園異石崇

文杏館

雕梁文杏裁館是小蓬萊燕子雙栖處春風一度回從知  
出塵想猶復倚雲栽如近劉安宅應聞雞犬來

斤竹嶺

碑兀立峻嶺青蔥編茂林小梅斜更好幽徑曲難尋無服  
金丹訣勞餐玉版心碧天秋一色爽籟發龍吟

鹿柴

人語出空山深林返影間莓苔原上跡梵唄夢中還禪有

維摩病風高鑿齒閒與遊麋鹿友已共破元關

木蘭柴

環山種木蘭清絕同檀欒山鳥不知處秋聲先送寒溪流  
紅葉外霞散青林端颯颯增幽興援琴一再彈

茱萸泚

昔聞茱萸泚今見茱萸花奪目椒盈握飄香水一涯醉宜  
招杜甫事愛撫王嘉野人多上壽不是飲丹砂

宮槐陌

桃李無言處宮槐陌近湖遙遙通北垞曲曲有迂途蟬曳  
過別樹龍眠蟠覆孟濃陰寬十畝奔走笑元駒

臨湖亭

淼漫不可卽燈光湖上亭有懷人落落對此風泠泠俯仰  
發長嘯波濤生遠汀忽看山月吐放出數峰青

南垞

水南結茅宇開牖悟羲皇更挹西山爽真貪夏日長人家  
都隔浦芥子泛坳堂烟火半明滅青林生晚涼

歛湖

歛湖湖水深洗耳復澄心滉漾倍空濶桑田成古今花疑  
菱鏡出影共月華臨夜靜採蓮曲歌聲何處尋

柳浪

柳色一如浪浪花生柳枝青青相掩映采采總參差望頗  
憐春遠晴偏愛日遲浮萍聯復散唼呷小魚吹

樂家瀨

淺瀨波自激猶如雨受風銀絲穿石翠珠網得珊紅蕭瑟  
干竿竹沈酣兩岸楓急流爭絢爛不逐水西東

金屑泉

玉田誰樹藝金屑有流泉豈是菊精化原因太白蓮丹成  
宜換骨代遠已忘年若遇浮邱伯開頤話拍肩

白石灘

白石灘頭爛飯牛歌未央水聲常瑟瑟秋思總茫茫把酒  
問明月隔溪橫野航乍經新雨後寒碧貫瑤光

北垞

衆山多轉顧北垞向南川聚井成村落臨湖開陌阡玻璃

明十頃枸杞吠千年驚醒魚龍夢踏波來水仙

竹里館

幽深竹里館空翠接烟霄鎮日蒲團坐橫吹玉律調春風  
坑谷滿秋水性情遙斜映疎窗上高低鳳尾搖

辛夷塢

綠隄環作塢細草碧於苔二月辛夷放扁舟酒客來紅顏  
欺醉眼香意亂寒梅中有流鶯囀花陰埽不開

漆園

曾經天寶事何異漆園時蝴蝶夢非幻逍遙人自知畫禪  
千古意詩病半生癡藥竈茶鐺裏塵氛休妄窺

椒園



師莊更師屈身隱感離騷寂寞聞山鬼荆榛泣弁髦聊同  
彭澤柳莫賦鬱輪袍採摘爲君勸秋風燕雀高

紙瓦歌

古歙程生聚漢瓦鎔錫翻沙仿陶冶千年篆籀生精神滿  
紙烟雲致瀟灑蓬癡癡絕作紙瓦遺貌取神倍搏摻爛紙  
爲泥泥色青倒薤懸針不傷雅行空杳杳望天馬亦戀渠  
渠有大厦予懷馳騁儀商周金石搜求幾摹寫鐵蟾先生  
嗜古者長安市中笑口哆研材醇茂涵幽香出入風騷藐  
屈賈紙瓦之說說蓋寡帳裏梅花廣莫野羲皇有夢形模  
真水月交輝混漾假印印相傳自上下爭鳴何事分取舍  
悠然春睡渭川翁寄語鄰鐘莫輕打

庚戌

過陸賈廟戲作

南粵人傳陸大夫當年曾賜趙佗書我來好時瞻遺象誰  
訪安車到敝廬寶劍已隨蓮舌化浮生不羨酒泉居將軍  
若問禎祥事鵲噪燈花應豈虛

送潘安甫茂才歸粵

潘子別我將南歸春風楊柳依依灞橋送客客心碎况  
我好時通西陲西到陽關路迢遞東望粵嶠雲迷離我有  
要語爲子說子聞我語當開頤楚人陸賈昔寓此粵裝曾  
壯千金遺安車駟馬耀里閭蠻夷大長忘猜疑書生囊橐  
片言裕贈以珠貝滄波涯子遊五載四壁立我亦赤手雙

五三三四五生言台  
翅垂以言爲贈李耳意勉學陸賈母依違

哭次兒懔二十韻

生兒望成立而汝竟先凋十九年同夢三春柳太嬌舒祺  
悲賤息顧况哭殘宵憶昔依予肘通經已髮髻支持亢門  
戶遠大繼宗祧書可于行下詩裁五字調卯君愧蕪轍以

辛卯生

陋巷共顏瓢侍我遊京轂披星趁月輶高軒韓愈過

長爪李郎招頗識檀梨喻都忘意態驕老牛情舐犢劣虎

氣干霄落落秦關久茫茫粵海遙春雲涵碧樹秋雨泣紅

蕉腕別嘉陵日遄征漢水橈

兒隨宦畧陽時回粵畢媼

神魂偕爾邁離

恨向誰消母子欣團聚匏瓜嘆寂寥前年剛授室破鏡詎

爲妖

兒歸講一破鏡而去

羊祜根偏慧童烏育不苗最憐遺寡媳猶

自守霜條痛極枯雙淚孤燈影獨搖

輓申鐵蟾明府

君身墮地爲騏驎崧高維嶽嶽降神說詩遠宗卜子夏變  
隸體凌王右軍上谷次仲化大鳥下邳程邈成專門先生  
一一領其要創意造極何停勻南遊衡嶽摘星斗睥睨屈  
賈空煩寃洛陽兒女識縣尹謂君撫字回春溫陽城考却  
愛自注循吏傳尙嗤前人蕭然宦轍兩到秦經生面目憎  
風塵還丹誰爲鐵蟾轉清淨頓悟平生因有時掀髯忽微  
笑茂視富貴同浮雲仙李蟠根歲月久涇陽李老人號數  
百歲與鐵蟾分最  
深佛桃結構烟霞新鐵蟾病革時夢構佛桃  
新舍前因自有在也水晶琉璃說  
世界廻廊曲檻交氤氳黑甜風味白駒隙黃梁變幻華胥

民長爪郎歸玉樓香化城近與芙蓉鄰

梁山

梁山之說何紛紛毛詩本自存其真率西水滸至岐下東

尋好時來周原

梁山自邠州大略西北迤邐數百里由永壽之上宜里順循好時河西南入渭與乾

武岐扶交界後人未歷其地臆斷多矣

後人聚訟愈失實沿流胡遽忘討源

周原膺膺接幽壤一山橫界生烟雲踰此可限戎馬足旌

旗照羅河之濱好時昔稱美田地秦宮漢時交嶙峋乾武

東北界永壽毗連綿亘相迴環雞閭漆虛自上古陶復陶

穴看躋攀李斯車騎祖龍怒古公播遷岐鳳聞險阻踰越

幾千載經生追論慙分門馮翊扶風自徑別鄭註孔疏誰

宜刪

五經考辨梁山有二詩奕鄭箋云梁山於韓國之山最為高大爲國之鎮所望祀焉在馮翊夏陽西北此

指韓城邵陽兩縣界之梁山也書禹貢鄭註云岐山在右  
扶風美陽西北梁山西南此指乾州永壽之梁山也康成  
箋註原自盡然孔氏編詩疏不達鄭意乃合而爲一云梁  
山橫長其東當夏陽西北其西當岐山東南自幽適岐當  
踰之殊不知岐周韓國東西相距五六百里古公率西水  
澗常田好時河西行爲是蓋梁山之下好時西繞武功入  
耳渭故摻擗不厭涉誇大撫摺無當空煩言牽率晉望與秦  
望猶如坐井忘朝昏我偕半菴勤考据時延斐東王半菴修永壽縣志  
笑數典同家珍好時流長山永奠岐周密邇東西分